



**MINISTÈRE
DE L'EUROPE
ET DES AFFAIRES
ÉTRANGÈRES**

*Liberté
Égalité
Fraternité*

DIRECTION DES RESSOURCES HUMAINES

SOUS-DIRECTION DE L'ATTRACTIVITÉ ET DES RECRUTEMENTS

Bureau des concours et examens professionnels

**Concours externe, concours interne et troisième concours
pour l'accès à l'emploi de
secrétaire des affaires étrangères (cadre d'Orient)
au titre de l'année 2026**

Épreuve écrite d'admissibilité n°4

Mercredi 26 novembre 2025

Peul

Section Afrique

Durée totale de l'épreuve : 3 heures - Coefficient : 3

Toute note inférieure à 10 sur 20 est éliminatoire.

Dictionnaire autorisé

Réponses courtes, dans la langue choisie au moment de l'inscription, à des questions à partir d'un dossier composé dans cette même langue permettant d'apprécier les connaissances linguistiques et l'aptitude à formuler des réponses complexes sur les sujets d'actualité en lien avec la section choisie.

Ce dossier comporte 6 pages (page de garde, sujet et sommaire non compris)

Sommaire

Document 1.....	1
Document 2	1
Document 3	1
Document 4	1
Document 5	2
Document 6	2
Document 7	2
Document 8	3
Document 9	3
Document 10	3
Document 11	4
Document 12	4
Document 13	4
Document 14	5
Document 15	5
Document 16	5
Document 17	6
Document 18	6
Document 19	6
Document 20	6

Questions

Question 1 (10 points) :

Holko woni alhaali darnde rewɓe ɓee e ɓamtaare Afrik ?

Question 2 (7 points) :

Oɗon mbaawi sifaade ko faati e caɗeele rewɓe nder golle maɓɓe

Question 3 (3 points) :

E yiyannde mon, holno ɓe mballirtee e golle maɓɓe ngam ɗe ɓurta feewde ?

Document 1

Ko holdum woni darnde rewbe bee e banje demokarasi e nder duunde Afrik

RFI fulfulde. Saakitaama ñanne : 16/09/2025 - 14:48

Toɓɓere yewtere ndee hannde, ana haala fii alhaali, darnde rewbe e democratie na en biiyan laamu potal. Sappo e joyi lewru jeenaɓuru hitaande kala ana hertamuya democratie e nder adunaru nduu. Laamu potal warri e Afrik banje hitaande ujuneere e teemedee jeenay e cappande jeenay, gilla nden warnde leyde Afrik ana gonndi e peeje e sembinde ndima ndu laamu potal. Potal e hakkeji e golle, kañun e njogaade ndimaku konngol. Yalla gilla democratie warri e Afrik, holko laati darnde rewbe bee? E yewtere ndee hannde, eden gonndi e Kadiatou Diallo, tawdaado e fedde noddirnde "Energie des femmes pour la consolidation de la Paix", Ko kanko woni kodo men e yewtere ndee. Yontere ndee joddiike bissilamon e hedaade.

Document 2

Darnde rewbe e banngal dipolomasi : hannde eden jabbii Aysata Kan, dipolomaajo moritaninaajo gollanoowo OIM

RFI fulfulde. Saakitaama ñanne : 26/08/2025 - 12:24

Toɓɓere yewtere ndee hannde, ana haala fii alhaali, rewbe golloobe e diplomasi. E yewtere men yaɓɓiinde ndee, e yewtidii e Nima Bah diplomaatjo mo Gine. Hannde, eden gonndi e madam Aysata Kane, hooreejo salndu ONU daraniindu danle, wonndu Senegal (OIM). Aysata Kane, ko diplomaatjo jeyaaɗo Moritani, oo wadi ko buri duubi noogay omo golla e den banje. Yewtere ndee joddiike bisilamon e hedaade.

Document 3

Mali : Aminata Dikko Joopiima Wagner e Kooninkooɓe Mali He Warngooji Fulbe

Binndi pulaar. Posted on [February 6, 2023](#) by [Njaay Demmba Astel](#)

Ñalnde 27 Siilo yawtunde ndee, Goomu Ndeenka e Kisal mo Kawtal Dowlaji (Conseil de sécurité de l'ONU) jaɓɓinooma dewbo pullo, Aminata Dikko, jeyaaɗo he fedde Kisal, catal Mali. Kisal ko fedde daraniinde jojjannde aynaaɓe he nder Saahal. Nde o bami konngol, rewruɗe he peeñirgal ayaawo, Aminata Dikko seyfitii golle wadboniyankeeɓe jihaadiyankeeɓe ɓe, kono o yoodnaani golle soldateeɓe Mali kanum en e wallidiiɓe mum en Risinaaɓe, hono didɗal Wagner (...)

Document 4

Holko saabii rewbe heewaa taweede nder kawrite mawde ko faati e reenugol taariindi?

RFI fulfulde. Saakitaama ñanne : 17/06/2025 - 13:55

Tedduɓe hediiɓe rfi fulfulde, bissimila-mon e yewtere men dinngiral rewbe. Hannde toɓɓere yewtere ndee ana haala fii alhaali waynde taweede rewbe e kawrite mawde jowitiide e kiwal taariindi. Ana taskaa e batuuji mawdi yeru Cop, ko fedde adunaru ONU wadata, rewbe ana pandi e ko tawtorte heen. Tawene ko kanɓe buri heɓude caɗeele waylitagol wakkati oo e nder dowri ndii.

Document 5

Cadeele de rewbe wonndi sabu beydagol dii fitinaaji e nder falnde Sahel

RFI fulfulde. Saakitaama ñanne : 02/01/2024 - 21:06

Teddube hediiɓe rfi fulfulde, bissimila-mon e yewtere men dinngiral rewbe. Hitaande 2024 latono en hitaande jam, cellal e moyyeere. Toɓɓere yewtere ndee hannde, ana haala fii alhaali beydagol rafi deenagu e leyde sahel, cadeele di fitinaaji fewnde rewbe leyde de. Duubi kewdi jooni, rewbe leyde sahel ana tampi, ɓe guri e toraaji kewdi yeru, warngooji cirwinii worɓe maɓɓe, sukaaɓe, kañun dolugol na yenude e maɓɓe. Tidalla nguure, heɓude cafaaje e saabe uddee de pelle jihadiyakooje ngadata e guure maɓɓe de. Hono oo alhaali worri ? holko haani wadeede, holko woni hakke rewbe e wakati basi. E jonnde ndee, eden gonndi e Maymuuna Ba, hooreejo fedde ndimaaku debbo e Sahel. Dr Mamadou Gagni Sow, ko mauritanajo, jannginowo sariya to uniwersité Nouakchott, woni kodo men e yewtere ndee. Bisimila, ndee joddiike.

Document 6

Kamerun, fitinaaji faade e rewbe no ɓurti beydaade. Hiden jaɓɓii Jayli Aamadu Amal, winndiyankeejo ko yewta e dow oo alhaali

RFI fulfulde. Saakitaama ñanne : 29/11/2023 - 22:30

Fitinaaji liddu rewbe ɓen no beydii e dow alhaali hulɓiniido. E battane ngal ñallal hertinanaangal riiwugol fitina e hoore rewbe ɓen. En kaalane dow ndee toɓɓere. Kabaaru rewbe 60 saasɓe pittaali maɓɓe e nder galleeji maɓɓe. Bone sakkitiido wadude on ko ñanne 25 lewru 11ɓuru ndee hitaande. Gorgo wari debbo jogiido ɓiɓɓe mum nayo. Fii kala kaɓande e cippirooji no wadeede e banje pelle renndo, kono haa jooni musiibaaji din no jokki, no duumii e kadi no jaali. Ko wadi dum no beydii e nder Kamerun, e nder aduna on? Ko pehe holde walla dabareeji holdi haanaa ɓameede ngam faddagol dii fitinaaji? Ko Jayli Aamadu Amal debbo Pullo, kamerunaajo, winndiyankeejo lolludo jaabotoo de lamnde. Himo e faandu haala Rufaa'u Baaba Ashwariya, gooto e nultondiraado amen Kamerun.

Document 7

Hajja Jeynabu KUMANCO JALLO gimɗiyanke, wallifiido ko ɓuri defte 14

RFI fulfulde. Saakitaama ñanne : 14/02/2021 - 10:54

Hediyankooɓe tedduɓe, Taskaram Kodo Mawdo no tolni Hajja Jeynabu Kumanco JALLO. Ko kamɓe woni yiilooɓe Suudu Marta Fuuta Jaloo, Ko ɓe taaliyanke, gimɗiyanke, renndoyankeejo, diiseteedo fii ɓamtaare dowri. Winndiyanke e kadi ko ɓe maaginoowo. ɓe winndii defte 14 e banjeeji fow. Defte miili, janti, fillayeeji, taali e gimdi. E nder wallifaaku maɓɓe, hiɓe huutora demngal faransiire e demngal fulfulde. Hajja Kumanco Jallo, no dilla e banje cellal, liddagol fitinaaji faweteeɗi e dow rewbe, e dow curbaaɓe walla jiwɓe woɓɓe wi'a mboomri (...)

Document 8

Mehugol humbinaaku : nder miliyonji 800 humambinneewe e aduna oo, so be peccaama pecce tati, pecce didi dee ko rewbe

RFI fulfulde. Saakitaama ñanne : 10/09/2024 - 16:38

Ko ñum anndini salndu Dental Adunaaru Halfinaandu Jannde e Needi, UNESCO. Ko rewbe afrik ñaleeri, kadi ñuri hewde e ñen pecce didi. Pelle afriknaawe daraniide rewbe keewde no e hare ngam ittude humanmbinaagu e dow rewbe Afrik. Holto ngol mehugol humanmbinaagu rewbe e nder Afrik yahrata e oo sahaa? Ko ñum woni loowdi taskaram men Dingiral Rewbe e ndee talaataare 10 lewru 9ñuru 2024. Ngam yewtude heen, hannde, Alhuseynu BAH mbismaama yoga e terde AMFE, ko fedde daraniide jannde rewbe, kadi e semmbinde jannde e nder gure gonde dowri dee. Hoñbe men ko Hapsatu Yaro Dem, ñurdo lollirde Jinndaa Dem, winndiyankeejo e Jeynaba Dem, ko jannginoowo rewbe kadi ko kanko jogii jeewte jikkondire hakkunde AMFE e ñesngu nguu

Document 9

Alhaali keewal e gonal rewbe jannginoowe e nder dunde toowde dee

RFI fulfulde. Saakitaama ñanne : 23/09/2025 - 17:53

Tedduwe hediiwe rfi fulfulde, bisimilla mon e yeewtere men Dinngiral Rewbe. Toñbere yeewtere men Dinngiral Rewbe hannde, 23 lewru 9ñuru ko e haala alhaali ñuydugol rewbe jannginoowe e nder dunde toowde Guinee. E lewru jeetañuru yaññiindu nduu, jaagordo kalfinaado jannde toownde Gine nantini anniya dowlude rewbe teemedede dido e cappande joyo ngam heñude seedanfaaji mañbe Doctoral do e hitaande ujunaaji didi e cappande Joyi (2045). Holno oo kabaaru njaññora ? Holno ahaali keewal rewbe jannginoowe e nder dunde toowde dee woori e nder leydeele godde Afrik dee? E jonnde ndee, eden gondi Dr Halima Diallo, jannginoowo to dudal jaañi-haadtirdi Cheikh Anta Diop mo Dakar. Kodon hannde yeewtere, ko Dr Aminata Diallo, jannginoowo to dudal jaañi-haadtirdi Sonfoniya to Guinée.

Document 10

Holno renndo ngoo yiiri ngurndam rewbe janngooe wonube e dewgal?

RFI fulfulde. Saakitaama ñanne : 01/03/2022 - 14:14

Toñbere yewtere men hannde ana haala ko faatii e dewgal e jannde. Ko honno debbo wawirta hawridinde walla hiññindirde dii didi: dewgal e jannde? Yalla debbo ana waawi wonude e dewgal jokka janngude? E jonnde ndee eden tawdaa e Dikkoru Bah jeeyado Mali, ko dewlaado wonudo e janngude. Amina Dikko mo burkina faso kañun waawaali jokkitaade jannde mun. Kodo yewtere nden hannde yo Umaar El-haj CAAM jeeyado Moritani jannginoowo e dunde jannginirde to laamorgo leydi ndi.

Document 11

Faggudu e Bamtaare Afrik, hannde, rokki konngol ko rewbe dillooɓe e faggudu

RFI fulfulde. Saakitaama ñannde : 25/09/2025 - 18:34

Hannde e nder taskaram Faggudu e Bamtaare Afrik e hono no min ngaadori wadde e alkamiisa cakkitiido e kala lewru, min ndokkat rewbe bee konngol. Hannde eden njabbii Fatoumata Dicko, dillowo e peewnugol pade. Fatoumata Dicko, ko keɗo heblo e fannu humpito duɗal jaaɓi-haadtirdi Kofi Annan e nder Guinée. Kono wadii jooni duubi ko o suɓii ngal gollal. Omo tawee e nder komin Lambanyi e nder Conakry, laamorde Guinee. Ma o artan en e no gollal makko ngal yahrata.

Document 12

Yewtere men kuuno fawii hannde e nafaaji kuuran kewreteeɗo naange e nder leyɗe Afrik

RFI fulfulde. Saakitaama ñannde : 10/07/2025 - 17:53

Hannde en njewtan e dow nafoore kuran kemreteeɗo naange. E faransiire enerji soleer. Nafoore majjum e bamtaare keɓe jawdi mum. En njabboto Kajo Ñaang, oo debbo mo Moritani keertaniido kuran naange. En njokkinan heen jabbade Aamadu Siise, oo duu yo golle kuran naange woni e mum to Mali. Timminiren yewtere ndee, Aminata Ba, mo diiwal Podoor, rewo Senegaal. Oo mo fedde mum hebi dii panooji jarnooji gese maɓɓe. Nii woni yewtere ndee, bisimilla moon !

Document 13

Ko holɗe e battane mbayliigu weeyo woni e battinde e ngurdam rewbe dowri?

RFI fulfulde. Saakitaama ñannde : 10/10/2023 - 19:51

Kodee jam kotte e jam dum ko gimol ngol Fulɓe eggooɓe saha ceedu, ngarta e nder gure maɓɓe njimantenoo. On saha tawata ko ndunngu, juumel arii, ladde bulɗii beeli keewii ,reewbe no bira lalorde tati haa nayi kosam. Dum ko saha booyɗo wonnoo. Hannde huɗo alaa gese nattii woodeede, ndiyam alaa ndunngu nattii, weeyo e taariindi mbayliima. Tedduɓe hediiɓe rfi fulfulde mbaadi toɓɓere yeewtere men Dinngiral Reewbe hannde ko alhaali mbayliigu weeyo e battane mum e nguurdam rewbe tentinii bee rewbe dowri. Bismilla mon e yeewtere men Dinngiral Rewbe. Holko saabii dii waylo waylooji weeyo? Ko holɗe e peeje bameede ngam haɓude nguu mbayliigu weeyo? Ko hondum woni battane mum e ngurdam rewbe dowri? Ngam jaabaade dee naamne njabboden kodo men Faatumata Binta JALLO, ginenaajo tawaado e fedde AGOREC. Fedde dariinde, daditiinde ngam haɓande mbayliigu weeyo.

Document 14

Alhaali bee rewbe buusebe e cadeele de hawrata e muudum e nder meccal maabe

RFI fulfulde. Saakitaama ñanne : 05/03/2024 - 22:15

Toɓɓere yewtere ndee hannde, ana haala fii alhaali rewbe busebe walla mbi'en rewbe golloobe e banje teewu dabaaji, gilla kirsugol, faa e yeeyugol teewu e lumooji di. Ana taskanoo adan tawi, rewbe ben ngalaano e mecce buuseyaagal, e di duubi sakkitiidi rewbe bee fuddii natugol e majje. Hanndee jonnde ndee, en yewtidan e "Jédidia TANKOANO DABIRE". Ko Burkina Faso o jeeyaa. Ko o gooto e rewbe wadoobe dee golle, kanko woni hooreejo gollirde "Burkina Beni" nokkuure yeeyirde tewu dabaaji e nder leydi ndii. Kanko woni kodo men e yewtere ndee, eden tawdaa e Abdul Dooroo Sow ngondo to Moritani, ko o jannginowo to Iniwersite Nuwaakshoot ko orenndoyankeejo. Abdul Dooroo Sow faaminan en e alhaali naatugol rewbe e dee mecce buseeyaku. Teddube yewtere ndee joodiike bismilla.

Document 15

Hannde hiden jabbii Aissatu Sony BARRY, gollanoowo hoore mum, jooma sosiyete "ATB multi service"

RFI fulfulde. Saakitaama ñanne : 02/09/2025 - 14:58

Teddube hediiibe rfi fulfulde, bissimila mon e yewtere men dinngiral rewbe. Toɓɓere yewtere ndee hannde, ana haala fii alhaali rewbe gollonooobe hoore maabe. Ebe heewi hannde e nder leyde dee, rewbe jogiibe sosiyeteji, hono e njeugu, luɓagol mobilaaji, e nandi e mun. E yewtere ndee hannde, eden gonndi e Fatimata Aboubacar jodiiɗo Parakou to Benin, omo jogii sosiyete makko noddirteedo Fatimilk. Fatimata Abdoubaakar ana yeeya kosam kaŋum e cobbal. Kodo men e yewtere ndee ko Aissatou Sony Barry hooreejo sosiyete "ATB multi service" Konaakiri, lamorngo Gine. Yewtere ndee joodiike bisilla mon e hedaade.

Document 16

FIDAC: luumo adunayankewo joodiike Dakar ngo faandaare woni wallitagol rewbe ben be gollana hoore maabe

RFI fulfulde. Saakitaama ñanne : 09/01/2024 - 21:46

Toɓɓere yewtere ndee hannde, ana haala fii alhaali koolol cappande tati e go'ool Fidak. Ngal kawrital, kawtindirii golloobe e leyde keewde fotti to "Cices", nokkuure njeeygu wonnde Senegal, be yimbe ngarii sottude ko yeeyeete maabe hankee lewru. Toɓɓere hitaande hikka ndee no yowitii samtaare rewbe. E jonnde yewtere ndee en gonndi e Faati Jenng, ko senegalaajo, oo wari kawrite e Fidak hikka. Kodo men hannde, ko Faatumata Lamarana Ba jeeyado Gine, ko gollonowo hoore mum, o faaminan, nafa dii luumooji. Teddube bismilla mon yewtere ndee.

Document 17

Holko wonata janngo dee kawtite faggorde jawle (GIE) de rewbe sincata e nder Afrik
RFI fulfulde. Saakitaama ñanne : 12/09/2023 - 19:50

Bisimilla mon e yewtere Dnigiral Rewbe. Hannde yewtere men no yowiti e dee dente de rewbe darnata tawa ko gollooje e fanuujji duududi, wano ndema, ne'ugol jawle, njeuguuji walla mbaylugol ñamanteeje. Ko boyaani koo wiɗtooji kollii wonnde okkude rewbe feere banje bamtaare ko nafaore mawnde wonanta be ngam yaltude e yoga caɗeele de be woondi. Woni hoɗɗe men e ndee yewtere ko Aminata Aan, ngardiido fedde GIE wi'eeteende "Fedde Bamtaare Rewbe Moritani. Isa Joop, cosɗo Gie noddirteedo "kawral sukaaɓe Suraye".

Document 18

Alhaali bee sukaaɓe heewbe wonbe e nder leyɗeele winndere gollotooɓe e dow internet
RFI fulfulde. Saakitaama ñanne : 20/08/2025 - 13:22

Hannde sukaaɓe heewbe nder leyɗeele winndere ina njonngitorii e intanet ngam golle maɓɓe. Limngal ko buri sukaaɓe miliyon 400 hakkunde duubi 15 e 35, Afrika ina njogii sukaaɓe burɓe famɗude duubi e winndere ndee. E jahal yeeso annde karallaagal, duudɓe e maɓɓe ina ngolla golle ceertude ngam townugol faggudu Afrika. Nder Jantoore Men Mawnde hannde, nuldiraado men Abuja, Naaseh Yuusuf Usmaan haaldii e woɗɗe sukaaɓe e dow bote annde karallaagal (teknooloji) e nder leydi Najeriya.

Document 19

Alhaali anngal yi'egol rewbe e dow mejaaje hono teleeeji e rajooji dii
RFI fulfulde. Saakitaama ñanne : 28/06/2022 - 20:50

Tedduɓe hediiɓe RFI Fulfulde on calminaama, bismilla mon e taskaram men Dingiral Rewbe. Hannde yewtere men no yowitii alhaali feeñugol walla yi'egol rewbe e mejaaje hono teleeeji e rajooji. Holko saabi rewbe duudaaka yi'eede e nder mejaaji ? Ko peeje honde haanaa wallitoreede ngam ittude walla ustude oo alhaali ? Fii ko beyda bannginde ndee toɗɗere, hiden jaɓɓii rewbe gollooɓe e dow mejaaje dee. Aminata Piilimini JALLO, jayndeyankeejo jeyaado Gine, daraniido hakkeeki rewbe. Mariyam Selli Kaan, jeyaado e fedde Debbo Senegaal. Ko fedde hawtindirnde rewbe gollooɓe e mejaaje e karalle kese.

Document 20

Rewbe naftortooɓe Ngeyngu Internet walla e-commerce e demngal faransiire
RFI fulfulde. Saakitaama ñanne : 19/01/2021 - 14:10

Tedduɓe kediiɓe RFI Fulfulde, on jaaraama. Bisimilla mon e yewtere men Dingiral Rewbe dow rfi Fulfulde. Hannde yewtere men nden ana haala fii rewbe naftortooɓe walla huutortooɓe internet, dum woni rewbe soodooɓe walla yeeyooɓe comcii, miranji defirdi e denndaangal ko heɓetoo e dow geyngu internet e nder mejaaji renndo. E ley yewtere men nden, eden tawdaa e Rugiyatu JALLO, jeyaado Mali yeeyooɓe e palleeji internet, Amadu Ball wuurɗo Lebrewil Gabon, naftortoodo mejaaji renndo. E ley suudu men yotiniirdu kabaruji RFI Fulfulde en silminan doo Raahatu Suhaybu jeyaado Kamerun, ko kanko woni kodo men hannde. Dum woni toɗɗe mawde yewtere men nden, bisimila mon e hedaade kaa taskaram.